


docst
入駐商
在文川網搜
古籍書城 獲取更
多電子書

中國方志叢書·華中地方·第二八號

據清·梁園隸等纂修
清·咸豐二年刊本
影印

江蘇省

重修興化縣志



465/08
成交出版社有限公司印行



10098246

中國方志叢書·華中地方·第二八號


據

清·梁園隸等纂
清·咸豐二年刊本

影印

江蘇省

重修興化縣志



204/08
成文出版社有限公司印行



70
126
485

中國方志叢書

華中地方·第二八號

據

清·梁園隸等纂
清·咸豐二年刊本

影印

江蘇省

重修興化縣志



80/5/25
成文出版社有限公司印行



10098248

docsriver 文川网
入驻商家 古籍书城

在文川网搜索古籍书城 获取更多电子书

中華民國五十九年八月壹一版

重修興化縣志

全三册

發行人：黃 成 助

出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

咸豐壬子春葉

興化縣志

尊經閣藏板

重修興化縣志叙

自九邱與典墳並重小史外史掌邦國四方之志而後世志地理志郡國者實仿其例焉戴記言州史閭史二十五家之間尚有史矧一邑乎今

朝廷重郡邑之寄名官曰知膺是職者非知古知今知利知弊安能勝任吾儕從數千里外作宰一邑其於古今利弊豈克遽知

故衷前善後惟載籍是求志乘之作由來
 尚已興志自福清張公修後迄今百六十
 年宰興者頗有志增纂顧周君石藩議修
 而未果龔君木民倡修而俄輟至王君子
 涵規模粗備其叙略曰道光壬寅余宰興
 土諸生請修邑乘余乃會紳士因舊志而
 正其體例芟其繁冗補其缺漏刊其錯誤
 遵江南通志分為十門稿未竟余奉聘入

闡撤棘後又有句曲之後志局諸人郵請
序數言以弁首余始至興即知薛子聯元
著有志稿其子樹聲暨諸同人更協力續
纂其功不可沒也王君之叙云爾顧大綱
雖立而條目猶闕園棣於道光戊申承乏
陽山邑紳亦以修志請歲歎未遑旋亦委
署句曲而公時攝興篆者魏君默深博雅
好古欣然欲肩其事然河務倥偬亦未開

局也迨庚戌夏園棣復任邑人踴躍以申
前請默深亦憇愔歲事遂與廣文鄭趙二
君及紳士輩分類編輯晷月而成既成叙
之曰昔人謂修史之難莫過於志今邑乘
不名圖經而以志名志豈易言修哉施愚
山所論頌長吏則諛傳先達則夸紀名勝
則附會撫文辭則浮蕪俗志比比無論已
若韓五泉朝邑志以高簡著名而朱竹垞

病宋人志長安吳郡杰城未免太簡是故
失之繁濫與簡略者後人皆不能無憾載
筆者欲繁簡適中誠匪易易矣况園棣簿
書鞅掌率爾操觚尤多踳駁惟斤斤然遠
循歐張二公之舊轍近守亦民子涵之體
裁信者書之疑者闕之參羣書以考實采
輿論以求當而已如謂園棣知古知今知
利知弊為一書信令傳後不愧一邑之

史也則吾豈敢抑吾間興化為昭陽采邑
舊隸海陵至楊吳始置縣乃國策史記及
五代史未載載之者邑乘也使無邑乘今
人烏知昭陽之食采楊吳之置縣然則自
康熙甲子至今百六十餘年其間風俗水
利吏治人物苟湮沒弗載後人又烏得而
知之耶

天子改元踐除文物聿新下邑志乘守土者

安敢聽其廢墜僂俛重修園棣不得以不
文辭矣若乃新唐書之謬為吳氏所糾蕭
山志之誤為毛氏所刊茲編豈無紕漏而
睫在目前苦不自見補遺正訛尚俟博物
之君子

咸豐元年歲次辛亥仲冬之月長至日知
興化縣事靈石梁園棣謹叙於陽山
官舍之退思堂

舊序一

明萬曆十九年興化知縣歐陽東鳳潛江人

三代列國侯封皆有史官掌記時事秦郡縣天下禁挾書除諡法而列國之史廢矣四方章奏輿圖悉歸博士掌故之府金匱石室之秘世罕見之蕭何入關收秦圖籍而漢祖緣是以知阨塞便攻守是知紀載之書爲用甚大古者天子省方則命太史陳風市司納價欲以觀民設教非史末繇也明興一統有志郡縣有志內外相維詳略相因一時稗官野史各紀聞見撰成一家之言而仁人志士又莫不悉心殫慮以展其經國之猷奮筆直書以洩憤積世疾邪之蘊蓋自載記以來作述之家

於斯盛矣惟茲興化僻處東海斥鹵之地賦重民罷物力少訕而人文蔚起學問好修不減鄒魯若乃省閣名公朝廷元輔諫垣臺憲秘書藩臬心膂股肱之佐先後踵出乎其鄉誠縉紳之淵藪人才之都會也二百年來聞見之所熏習師友之所誦說故家遺俗流風善政多有存者東鳳承乏茲土獲覩舊志卅一代沿襲碌落錯陳爰起世宗末禩以抵慶厯三四年文獻凋謝往蹟疎闊失時不修將成缺典竊有憾焉閒與一二耆儒錯綜其事刪竄改易潤以文藻匯爲全書名之新志俾後來者得有所據而無不足不徵之歎或問作志之意何居

曰夫志寓一王之法備六事之全體三才之撰言無微而可忽道無往而不在者也舉要言之其目有幾曰明天道以診禳祥則天文之紀也察地道以正疆域則地理之紀也遵禹道以則壤濬川則人事之紀也準臣道以別功能明淑慝則人官之紀也觀賁道以成化理則人文之紀也以稽述作則詞翰之紀也正婦道以表貞孝則女德之紀也示中道以昭物軌使民弗納於邪則民行之紀也是其著者總之布公道以協民心陳直道以明己志存古道以挽頽風若是焉而作者之意備矣是之謂道無往而不在也古之人臣陳王道以事其君

docsriver 文川网
入驻商家 古籍书城

在文川网搜索古籍书城 获取更多电子书

雖服休服采所職不同忠愛之心一焉耳執吾志以述
吾所守之職以一道德以同風俗挽斯民斯世於三代
之隆以順吾君從欲之治不在是乎不在是乎是志也
其事質其詞文敷引旁遠恣縱而準於道雖於良史之
才不敢仰望其萬一而使司國計者少留意焉而因以
究利病之原酌損益之宜盡補救之術興之邑其有瘳
乎而鳳也瘳曠之責亦庶乎其少追矣

胡志久佚
序無從錄

舊序二

國朝康熙二十三年
興化縣知縣張可立

福清人

皇上御極之二十一年

命史臣纂修一統志

天下府州縣各以其志來上維興化縣志前邑令雖已節略上之郡而其書未成余適承乏此地因念邑志自有明辛丑爲令歐陽公東鳳所修輯今廢不講者八十年矣一切文獻幾於放失此亦有司之責也雖當災患頻仍之餘顧恭奉

明道其可以已乃考掌故酌古今閱三年而志始成乃爲之序序曰昔夏爲禹貢周有職方上自山川下逮男女以迄厥貢厥篚其浸其利之屬纖悉具備自後馬班作史創爲八書十志雜記天官五行地理河渠平準食貨洎於藝文皆原本禹貢職方而起者也以是措之事業則爲

政教發之詞翰則爲文章士學古入官苟以實學爲實
政豈不體用兼該矣哉興化東瀕海北距淮湖波浩蕩
城郭置其中一澤國也戰國爲楚將昭陽食邑地而三
閭大夫范文正公胡安定先生之祠在焉其水勢迴繞
風氣之秀發爲人文科目之盛甲於江淮賢相名銓烏
臺梧掖之賢者後先接踵其地爲魚鹽所出其田雖瘠
而不逢歲澇則有年近以數罹水患歲饑民貧邑志湮
沒旣久舉凡溝洫遷改城池圯建市廛增損祠宇修毀
戶口登耗土物豐歉吏治得失人物高下風聲謠俗貞
邪與賢人君子忠孝節烈逸民列女皆失於載紀今不

圖更修恐後之日益湮沒也士大夫莅官守土率簿書
期會刑名錢穀之是務若夫志之所載則見爲迂闊而
莫之急然則怪石浮磬籥箛橘柚之紀不過一石一木
之纖微而男女二三一五之別無非街巷里閭之鄙事
禹貢職方何以考之必周記之必詳哉是書之作考獻
徵文發凡起例雖不敢謂竊取禹貢周禮之義而師其
大略於邑乘不無小補焉不知者以爲闊遠之爲而知
者以爲政事文章之要也亦以續前人未竟之緒而已
不與歐志較工拙也一日者或

朝廷下輜軒之使持之獻

告史氏於以當子夏所求百二十國之寶書備一統志萬分之一或亦庶乎其可哉

舊序三

李清邑人

史者經也三代以上綜爲經三代以下別爲史而州志邑乘興焉其爲之者固不一人也有少長其地者爲之如會稽典錄益州耆舊華陽國志之出自虞預陳壽常璩諸人是也有宦遊其地者爲之如吳興郡疏雜錄地紀及入東紀之出自王韶顏真卿吳筠諸人是也雖誌有詳略文有繁簡而皆以焜耀往古昭示來茲稱不朽焉興化舊志有二一出縉紳胡公時可手一出邑父母

歐陽千仞手猶前志也自茲以還沈閣不修者近百禩
矣予每欲與二三同志捃拾遺忘網羅放失成一邑之
史而老至耄及忽忽未能卒業比年乃得福清張公蔚
生甫柅車卽以此事爲己任每於懸魚瘞鹿之暇輒筆
削焉漏者補之訛者訂之亂雜而無章者次第之排纂
之辛勤拮据逮數年而後潰於成綱二十目三之披閱
其帙非獨繼往開來徵文考獻而已而勞人之苦心鉅
公之偉略亦時時發見於行墨之間故觀於災祥疆域
而公之使民因天闢地者可徵也觀於山川水利而公
之爲民禦災捍患者可徵也觀於田賦戶口而知租調

爲愛民之原其施從厚斂從薄者可徵觀於物產風俗
而知富庶爲保邦之本其因年上下與道汗隆者可徵
戰不可好亦不可忘故兵禦徵焉國以人興亦以人廢
故人物徵焉至於學校選舉職官名宦無不詳其得失
別其妍媸核其薰蕕寓其予奪以與王政相表裏雖史
也進乎經矣將後之爲令者俯而讀仰而思考古今之
異同鑒世道之升降則政典在是教化亦在是豈特文
章之事哉或曰以較歐陽孰難孰易孰優孰劣曰優劣
吾不知若其難易則可考而原也蓋慶厯以前其事省
今則繁矣其難者一也慶厯以前其人厚今則漓矣其

難者二也且歐陽爲志或損或益總以一代爲統歸今則陵谷遞遷滄桑互易沿革廢興不一其規而欲收拾整齊歸於畫一如公羊指定哀之失而司馬作秦楚之表豈不戛戛乎其難哉辨其難易而優劣從可知矣予雖不敏夙好載筆之學當兀坐土室時曾不能發凡起例成一家之言與會稽華陽諸書爭長而絜短而公乃從戴星逮日不遑寢洩中訊遺考求掌故以薦其事比之魯國諸君恢恢有餘地焉然則公之才豈止與歐陽較難易而予則視胡公時可且望崖返矣此予所爲重有媿也抑有感焉當明萬厯中常從閣臣之請開局修

史未幾而輟識者憫惜之向令名山之藏有聞石渠之業不廢則赫赫聲名久垂金石豈待今日乃正史未成而外史雜出予陳人也能無慨然於古今之際哉然而苟得其人善其事正不必蓬萊天祿也雖山川之紀未始不可以備珠囊雖都邑之簿未始不可以參實錄禮失求野豈不信乎爰述片言於簡首兼誌愧感云爾

重修興化縣志

志目

卷一輿地志

圖說

沿革

星野祥異

疆域

風俗

歲時

城池

公署

公所都甲街巷橋梁坊表

古迹

宅墓

祠祀

附寺觀

卷二河渠志

境內河道

塘堰

上游形勢

洩水去路

卷三食貨志

田賦 屯折

戶口 屯丁

徵解 俸工

蠲賑

倉儲

物產

卷四學校志

學宮

書院 社學

卷五武備志

軍制 營汛鋪
舍事略

卷六秩官志

知縣縣丞主簿典史

教諭訓導

巡檢倉大使 白駒牓
官附

武秩

宦績

卷七選舉志

進士舉人貢生

辟薦封廕旌敘例仕

武進士武舉人

卷八人物志

列傳

忠烈

孝友

仕蹟

儒林

文苑

docsriver 文川网
入驻商家 古籍书城

在文川网搜索古籍书城 获取更多电子书

武功

戚畹

封廕

卓行

尚義

隱逸

流寓

列女

卷九藝文志

碑目

書目

古文

賦詩

卷十雜類志

方伎

仙釋

外紀

重修興化縣志

凡例

一修志先正體例舊志所分似未盡一謹遵江南通志定爲十綱以目分隸其下

一興志有三胡志佚歐志僅存張志閱今一百六十餘年文獻凋謝蒐輯爲難阿府志歲月較近舛誤滋多今爲釐正以免遺誤後人

一披籍不若披圖前志燦然如列眉指掌百餘年來水利變遷謹圖目前形勢以備採擇

一舊志疆域南北俱被鄰封侵占歷數百年之久其